

**I - ARABAKO BATZAR NAGUSIAK ETA ARABAKO LURRALDE  
HISTORIKOAREN FORU ADMINISTRAZIOA**

Organismo Autonomoak

**ARABAKO FORU SUHILTZAILEAK  
BOMBEROS FORALES DE ÁLAVA**

**2/2016 Presidentetza Ebazpena, ekainaren 15koa, onartzen duena Arabako Foru Suhiltzaileak erakunde autonomoaren lanpostu zerrendako Giza Baliabideen eta Administrazio Kudeaketaren Zerbitzuaren buruaren lanpostua (kodea: 1200.001) izendapen askearen bidez betetzeko deialdia**

Arabako Foru Suhiltzaileak erakunde autonomoaren lanpostu zerrendan Giza Baliabideen eta Administrazio Kudeaketaren Zerbitzuaren buruaren lanpostua (kodea: 1200.001) ageri da, baina egun hutsik dago.

6/1989 Legeak, euskal funtzio publikoarenak, 46.1 artikuluan ezartzen du funtzionarioentzako gordeta dauden lanpostuak lanpostu zerrendetan ezarritakoaren arabera beteko direla, lehiaketa eta izendapen askeko sistemen bitartez.

Arabako Foru Suhiltzaileak erakunde autonomoaren indarreko lanpostu zerrendak xedatzen du aipatutako lanpostua euskal administrazio publikoetako karrerako funtzionarioek bete behar dutela izendapen aske bidez.

Horrenbestez, eta nire eskumeneko ahalmenak egikaritzuz, Arabako Foru Suhiltzaileak erakunde autonomoaren Administrazio Kontseiluari entzun ondoren, hau

**EBAZTEN DUT**

Lehenengoa. Onarpena ematea Arabako Foru Suhiltzaileak erakunde autonomoaren lanpostu zerrendako Giza Baliabideen eta Administrazio Kudeaketaren Zerbitzuaren buruaren lanpostua (kodea: 1200.001) izendapen askeko sistemaren bidez betetzeko deialdiari.

Bigarrena. Onartzea ebazpen honekin batera dauden deialdiaren oinarriak.

Hirugarrena. Ebazpen honen aurka administrazioarekiko auzi errekurtsua jarri ahal izango da, argitaratzen den egunaren hurrengotik hasi eta bi hilabeteko epean, Gasteizko Administrazioarekiko Auzietarako Epaitegian, edo nahi izanez gero, berraztertze errekurtsua, hilabeteko epean, ebazpen hori eman duen erakunde berean; hori guztia, uztailearen 46k1 29/1998 Legeak, administrazioarekiko auzien jurisdikzioa arautzen duenak, -azaroaren 13 116 Legeak, herri administrazioen araubide juridiko eta administrazio prozedura erkidearenak, 30/1992. artikuluan xedatutakoarekin loturik- 26 artikuluan aurreikusitakoaren arabera.

Gasteiz, 2016ko irailaren 15a

*Arabako Foru Suhiltzaileak Erakunde Autonomoaren Lehendakaria*  
**MARIA DEL PILAR GARCÍA DE SALAZAR OLANO**

**Arabako Foru Suhiltzaileak Erakunde Autonomoaren lanpostu zerrendako giza baliabideen eta Administrazio Kudeaketaren Zerbitzuaren Buruaren lanpostua (kodea: 1200.001) izendapen askeko sistemaren bidez betetzeko deialdiaren oinarriak**

**LEHENENGOA. DEIALDIAREN XEDEA**

Deialdi honen xedea da izendapen askeko sistemaren bidez betetzea Arabako Foru Suhiltzaileak erakunde autonomoaren lanpostu zerrendako Giza Baliabideen eta Administrazio Kudeaketaren Zerbitzuaren buruaren lanpostua (kodea: 1200.001).

**BIGARRENA. LANPOSTUAREN DESKRIBAPENA**

Sailkapen taldea: A1

Destino-osagarriaren maila: 26

Berariazko osagarria: 38.120,45 euro

Lantoki herria: Gasteiz

Dedikazioa: eskusiboa

Ordu prestasuna: 60 ordu

Hizkuntza eskakizuna: 3, derrigortasun datarik gabe.

**HIRUGARRENA. BETEKIZUNAK**

Deialdi honetan parte hartu ahal izateko, izangaiak baldintza hauek bete beharko dituzte eskaerak aurkezteko epea bukatzen denerako:

1. Euskal herri administrazioetako edozeinetan karrerako funtzionarioa izatea.

2. Titulazioko A1 taldekoa, Administrazio Orokorreko eskalakoa eta teknikarien azpieskalakoa izatea, edo Administrazio Bereziko eskalakoa eta goi mailako teknikarien azpieskalakoa (Ekonomia edo Enpresa Zientzietako lizentziaduna edo Zuzenbideko lizentziaduna edo baliokidea), edo euskal administrazio publikoetako kidego eta eskala baliokideetako.

3. Deialdi hau argitaratu aurreko bi urteetan behin betiko destinorik lortu ez izana, lehiaketaren, barne sustapenaren edo kanpoko hautaketaren bidez, berdin diolarik zein administrazioetatik datorren izangaia eta zein kidego eta eskalatik parte hartzen duen.

4. Ez egotea eginkizunak irmo eten izanaren administrazio egoeran.

5. Ez egotea borondatezko eszedentziako administrazio egoeran (interes partikularragatik edo familia kontuengatik), salbu eta egoera horretan egon bada zerbitzu aktibora itzuli ahal izateko gutxienez eskatzen diren bi urteetan, eskaerak aurkezteko epea bukatzen denerako.

6. B motako gidabaimena izatea.

**LAUGARRENA. ESKAERAK**

Interesdunek Arabako Foru Suhiltzaileak erakunde autonomoaren lehendakariari zuzenduko dizkiote beren eskaerak, eta Arabako Foru Aldundiaren Erregistroan, edo azaroaren 26ko 30/1992 Legeak, herri administrazioen araubide juridiko eta administrazio prozedura erkidearenak, 38. artikuluan xedatutako eraren batean aurkeztuko dituzte. Horretarako, hamabost egun baliadun izango dituzte, iragarki hau Euskal Herriko Agintaritzaren Aldizkarian argitaratu eta hurrengo egunetik aurrera.

Deialdi honen hirugarren oinarrian eskatzen diren betekizunak betetzearen egiaztagiriekin batera aurkeztuko da eskaera.

Jatorri administrazioeko organo eskudunak egindako egiaztagiriaren bidez egiaztatuko da betetzen direla hirugarren oinarri horretako 1, 2, 3, 4 eta 5 idatz zatietan jasoriko betekizunak.

Arabako Foru Suhiltzaileak erakunde autonomoko funtzionarioak diren izangaiek ez dituzte aurkeztu behar erakunde autonomoko artxiboetan dauden datuen egiaztagiriak.

Eskaera horretan beste hauek ere adierazi beharko dituzte:

A) Ikasketa tituluak.

B) Nola herri administrazioan hala enpresa pribatuan betetako lanpostuak. Haietako bakoitzaren eginkizunak adierazi beharko dira.

C) Egindako ikasketak eta ikastaroak eta dakizkien hizkuntzak

D) Izangaiek egoki irizten dituen bestelako merezimenduak

Horrekin batera, alegatutako merezimenduak egiaztatzeko agiriak aurkeztu behar dira.

#### **BOSGARRENA. DEIALDIAREN EBAZPENA ETA LANPOSTUAZ JABETZEA**

Izangaiek alegatutako merezimenduak aztertu ondoren, Arabako Foru Suhiltzaileak erakunde autonomoaren lehendakariordeak Arabako Foru Suhiltzaileak erakunde autonomoaren lehendakariari helaraziko dio izendapen proposamena. Deialdiaren ebazpena ALHAOn argitaratuko da.

Izangaiei arteko inor lanposturako egoki jotzen ez bada, deialdia bete gabe utz daiteke.

Funtzionarioak jatorri lanpostua uzteko eskaera hautatze prozedura honen ebazpena ALHAOn argitaratu eta hurrengo hiru egun baliodunetan egingo du, eta lanpostu hori utzi eta hurrengo egunean jabetuko da lanpostuaz.

Lehiaketaren ebazpenak badakar zerbitzu aktibora itzultzea, deialdiaren ebazpena argitaratu eta hurrengo hiru egun baliodunetan jabetu beharko da funtzionarioa lanpostuaz.

Baimen, lizentzia, opor edo funtzionarioa dagoen beste edozein egoera bukatzen denera arte, hau da, nahiz eta funtzionarioa zerbitzu aktiboan egon bere zerbitzuak benetan ematea eragozten duen edozein egoera bukatzen denera arte atzeratuko da funtzionarioa lanpostuaz jabetzea.

Funtzionarioa ez bada prozeduran lortutako lanpostuaz jabetzen hartarako adierazitako epean, titulartasuna galduko du.

Prozedura ebazteak badakar etxebizitzaz aldatu beharra, hori borondatez egingo da eta ez da egongo eskubiderik inolako kalte-ordainik jasotzeko.

#### **SEIGARRENA. AURKARATZEA**

Oinarri hauek, deialdia bera eta horien ondorio diren administrazio egintza guztiak aurkatu ahal izango dira, azaroaren 26ko 30/1992 Legeak, herri administrazioen araubide juridiko eta prozedura erkidearenak, ezarritako kasu eta moduetan.